

Broj: 05-02-5-5113/25-1
Sarajevo, 03.06.2025. godine

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 05-06-2025			
Org. jed.	Broj	Priloga	Vrijednost
05/1	-02-	251	125

PREDSTAVNIČKI DOM PARLAMENTA FEDERACIJE BIH

PREDMET: Odgovor na zastupničko pitanje - zastupnik Almedin Aliefendić, dostavlja se

Veza: Akt Predsjedavajućeg Predstavničkog doma Parlamenta FBiH broj 05/1-02-251/25 od 29.05.2025. godine

Poštovani,

Federalno ministarstvo finansija/financija je zaprimilo akt Vlade Federacije broj 03-04-1051/2025 od 02.06.2025.godine kojim se dostavlja akt Predsjedavajućeg Predstavničkog doma Parlamenta FBiH broj 05/1-02-251/25 od 29.05.2025. godine na nadležno postupanje, a u čijem prilogu su Zastupnička pitanja koja je podnio zastupnik Almedin Aliefendić dana 28.05.2025.godine Predstavničkom domu Parlamenta FBiH, a koja se odnose na Mišljenje Ustavnog suda FBiH broj U-6/25 i Odluka Ustavnog suda BIH broj U-11/23.

Pitanje 1. Od kojeg tačno datuma jedinice lokalne samouprave imaju obavezu da obustave naplatu komunalne pristojbe/naknade za istaknutu firmu, u skladu sa navedenim Mišljenjem, bez obzira na eventualno još uvijek važeće lokalne propise?

Odgovor:

Ne ulazeći u tumačenje Mišljenja Ustavnog suda Federacije Bosne i Hercegovine broj U-6/23 od 9.04.2025. godine, a koje je objavljeno u Službenim novinama Federacije BIH broj 33/25, ukazujemo da je u samom Mišljenju jasno i decidno naloženo postupanje, pobrojanih strana od dana objave Mišljenja u Službenim novinama Federacije BIH

1. kantonalnim i općinskim ili gradskim vijećima da u razumnom roku iz svojih propisa uklone odredbe kojima se propisuje komunalna pristojba/naknada za istaknutu tvrtku i utvrđuje obaveza plaćanja komunalne pristojbe/naknade na istaknutu tvrtku.

2. svim organima uprave i sudovima u Federaciji da prilikom odlučivanja o obavezi plaćanja komunalne pristojbe/naknade na istaknutu tvrtku postupaju sukladno ovom Mišljenju, i ne primjenjuju propis kojim se utvrđuje obaveza plaćanja komunalne pristojbe/naknade na istaknutu tvrtku.

Pitanje 2. Da li Federalno ministarstvo finansija raspolaže podacima o tome koje općine i gradovi su sukadili svoje propise sa navedenim Mišljenje Ustavnog suda FBiH? Takođe, da li su poduzete aktivnosti nadzora ili druge radnje od strane Porezne uprave Federacije BIH prema jedinicama lokalne samouprave koje to nisu učinile, a i dalje vrše naplatu ove naknade?

Odgovor:

Federalno ministarstvo finansija ne raspolaže informacijama koje jedinice lokalne samouprave (ni)su postupile u skladu sa Mišljenja Ustavnog suda Federacije BIH, jer nije nadležno da prati postupanja po aktima Ustavnog suda, već je za isto nadležan Ustavni sud i

organ krivičnog gonjenja (tužilaštva). O tome da li su postupili ili ne, informacije može imati Savez općina i gradova FBiH.

Porezna uprava Federacije BiH je nadležna sukladno Zakonu o Poreznoj upravi Federacije BiH, da vrši naplatu taksi na istaknutu firmu za čitavu teritoriju Federacije BiH, a ne jedinice lokalne samouprave, i Porezna uprava je dužna postupati u skladu sa aktima Ustavnog suda.

Pitanje 3. Da li jedinice lokalne samouprave imaju obavezu izvršiti povrat sredstava naplaćenih na osnovu ove naknade, počevši od dana stupanja na snagu Odluke Ustavnog suda broj U-11/23, pa do dana stupanja na snagu Mišljenja Ustavnog suda Federacije BiH broj U-6/25?

Odgovor:

Ne ulazeći u tumačenje, jer za isto nismo nadležni, ukazujemo na sljedeće odredbe u vezi djelovanja odluka Ustavnog suda Federacije BiH:

Član 60. Djelovanje odluka Suda - Poslovnik o radu Ustavnog suda Federacije BiH

„Svako kome je povrijeđeno pravo konačnim ili pravomoćnim pojedinačnim aktom donosenim na osnovu odredbi koje su prestale da važe na osnovu odluke Suda, ima pravo tražiti od nadležnog tijela izmjenu tog pojedinačnog akta, a nadležno tijelo je dužno da ponovi postupak i uskladi akt sa odlukom Suda u roku od 90 dana od dana prijema zahtjeva.

Ukoliko nadležni organ ne ponovi postupak i ne usaglasi akt sa odlukom Suda u roku iz stava 1. ovog člana, akt kojim je povrijeđeno pravo nekom licu prestaje da važi.

Prijedlog za izmjenu konačnog ili pravomoćnog pojedinačnog akta iz stava 1. ovog člana, može se podnijeti u roku od dvije godine od dana objavljivanja odluke u "Službenim novinama Federacije BiH", službenom glasilu kantona odnosno općine."

Obzirom da se u pitanju ukazuje i odluku Ustavnog suda BiH broj U-11/23, ukazujemo da je obrazloženje u Poslovniku o radu Ustavnog suda Bosne i Hercegovine, za čije tumačenje nismo nadležni.

S poštovanjem,

Dostaviti:

- Naslovu
- Vladi Federacije BiH
- a/a



MINISTAR

Toni Kraljević